


wie solches zu erfahren sey? Antwort. Man soll mit einem Schiff durch das Meer/See oder wasser fahren / die form desselben besehen vnd auffzeichnen/vnd auff die principaleste winckel stöck stellen/ darnach solle man durch die auß gespülte seiten gerade Linien imaginirn/ nach vnterricht des 2 Exempels dieses Capitels/als man bey den gedüpfelten Linien sehen mag/darnach besehet die Figur/ so auff oder abgezeichnet/was fur winckel daran nötig zu wissen seindt/ vmb mit hilff der seiten als A G/A B vnd B C so messlich sein/zu dem inhalt zu komen/wir nehmen



die winckel F G A, F A G, E A G, E G A, E A B, A B D, D B C, D C B, (ob man auch wol noch etliche andere mag erwehlen/ die man alle auff die seiten G A B C absehen mag/ nach vnterweisung des 13 Capittels des ersten theils/ vnd messen die seiten G A,

A B vnd B C/vnd dieweil dieselbe nicht wol seindt zu begehren/folgende dē gedüpfelten linien/vmb vrsach das sie bisweiln übers wasser lauffen/ so mag man dieselbigen finden nach vnterricht des 4 Exempels im eilfften Capitel des ersten theils / so solches geschehen/mag man als dan den Inhalt wol calculirn/welche operation wir alhie vmb kurze willen übergehen/vrsach das ein solches bey vorgehenden Exempeln gelehrt / darumb wirs dem Liebhaber dieser kunst zu suchen befehlen: Darinnen er furnemblich achtung haben wolle auff den proces des ersten Exempels im 17 Capitel dieses theils/ so das selbst gesetzt vnd angewiesen werden. Vnd auff diese weiß vnd manier mögen alle grosse Wasser/ See oder Meer gemessen werden.